

蘄州志卷之十四

知蘄州事虞山錢 鑿纂輯

人物志

列女下

未旌節婦

明

羅冠妻陳氏年二十歸冠閱四年生二子冠卒姑吳氏老疾氏勤紡績以供孝養甘貧守節三十餘年永樂中事聞未報而卒

蘄州志

卷之十四 列女下

一

陳溥妻呂氏清平衛呂仲貞之女溥幼隨父從戎于清平因娶焉溥亡氏年甫十八生一子溥父以老疾告還呂家姻戚欲留之氏誓歸蘄與遺孤同生死及歸事舅姑盡禮人以爲難年八十三卒生員田祿妻黃氏年二十四祿卒家貧不能具饘粥矢志弗易勤女紅撫遺孤鑿鑰成立年七十三卒嘉靖初知州季才以聞覆勘未報按省志列水誤主事壽儒妻張氏年二十適壽儒甫八年儒卒時儒已取科第爲工部都水主事未獲與貤恩之典氏

撫遺孤及長訓戒諄諄不少寬假伯子濂以貢仕  
仲芸亦克成立氏以壽終

州民陳元妻吳氏元歿時氏年二十二子佳甫四歲  
人或以貧困勸改適皆不聽惟紡績自給人無異  
議守節四十五年而卒

州學生晏文明妻傅氏誥封郡丞印台伯母文明卒  
時氏年二十二歲無子視印台猶己子憲副元灝  
及諸孫輩皆所撫摩成就年□十五終

生員李震妻朱氏震亡氏年甫三十撫三子俱教之

蘄州志

卷之十四

列女下

二

有成年八十五終

張思清妻夏氏清歿時氏年十八撫夫姪文明爲後  
家貲雖裕文綺不加于體惟蓬首不出戶闔以節  
終

易宗元妻潘氏適宗元甫九年而寡氏痛哭嘔血以  
死自誓卒能不易所守撫一歲子東初孀居六十  
五年

生員陳九德妻黃氏年二十九德亡撫兩孤成立皆  
籍籍有聲年六十邑人舉于當事時氏姊適朱生

□□謙者亦苦節時有黃女雙節之稱

國朝

諸節概未注明年分依呈送先後編次

處士高自見妻石氏年二十三自見卒子培甫二齡  
氏當難離之時誓以死守孝事舅姑事繼姑如之  
居家節儉教子成立培以恩貢申同知累遷知府  
轉陞溫處道荷 覃恩封恭人尋卒  
徐克制妻王氏年二十三夫卒撫育二子值流寇猖  
獗戶役煩苦操心勵節年七十族黨上其事于州  
牧以孤松鐵幹旌其閭

蘄州志

卷之十四

列女

三

陳翼舜妻錢氏庠生從濬女翼舜卒氏年二十五子  
八歲值明季荒離茹荼撫孤冰操不易苦節四十  
八年

州學生王大猷妻朱氏年二十歸王執婦道唯謹甫  
七載大猷卒撫子開烈開謨不使預事刻志讀書  
皆爲諸生氏終節五十二年

陳貴舜妻程氏年十八適貴舜子可應週歲貴舜卒  
氏事姑教子咸遵禮法年九十猶勤紡績州牧賜  
額褒美守節七十三年

龔之烈妻毛氏知廣濟縣事毛華鵬女之烈卒氏年二十一無子撫之烈姪渭沚爲嗣卒年六十三歲生員田有書妻易氏州學生克衍女有書卒翁姑生死無闕禮教子及孫克繼家聲終節五十年

趙州牧李坦繼妻潘氏年二十九夫卒欲相從地下念姑何氏年老恐以殉死重爲姑憂且失孝養非夫志也遂勵志苦節五十三年

韓宗琦妻李氏諸生本甲女年二十適總兵友子宗琦甫六載宗琦卒氏矢志堅貞誓死不渝苦節五

蕪州志

卷之十四

列女

四

十六年

候選知縣許元度妻李氏中丞本晟女年十八元度來贅甫六載以謁選卒于京時氏從舅戶部主事承欽僑居海陵母迎歸于蘄撫遺孤兼五娶余氏兼五與所生子卒立嗣又卒氏知書能詩文元度歿筆墨遂絕守節五十二年媳余氏亦終節卒生員龐見龍妻盧氏金太史德嘉爲作傳其畧曰龐生卒氏年未三十事舅姑孝謹撫三遺孤兢兢以爲善□訓次子紳念母養生送死備極勤劬爲時

齋者十餘年蓋俗所云報母齋也

李棟妻姜氏棟卒氏紡績度日撫孤有成子僑州諸生守節四十二年金太史德嘉詩以表之

伊其國妻曹氏年二十五其國卒子世俊甫八月守節三十六年孫琦恩貢曾孫芝蘭庠生

王開元妻盧氏盧文度女副使元度之侄女也年十九適王越五年開元卒氏無子僅一女尋歿立姪世淇爲嗣又歿與孀姑度朝夕家日益貧元度宦歸氏一省不復往守節三十六年

蘄州志

卷之十四

列女

五

太學生王開治妻葉氏州學生玉成女年二十于歸開治卒長孤世源甫五歲遺腹世漣越六月始生氏屏絕鉛華飲冰茹蘗教其子世源爲諸生世漣食廩餼氏守節三十餘年

孟良玉妻李氏年二十三良玉卒癸酉饑自茹藜藿溲瀧以養姑氏嘗病劇長子兆熊割左股啖之亦節孝之報孫孟秀州諸生苦節四十一年

儒童蔡廷玠妻盧氏君舉長女性嚴正寡言笑于歸後生二子廷玠卒氏勵志守義長子又卒伶丁孤

苦撫次子成立終節三十二年

廖景昭妻王氏景昭病危顧氏曰我不起汝將如何  
氏曰膳姑撫子如君在也苦節六十一年卒

諸生李榮妻葉氏諸生解民女榮卒姑老子幼家無  
擔石氏忍饑哺子艱苦五十一年卒

李元序妻陳氏年十七適李生二子姑歿夫歿兩子  
暨翁連年歿無嗣可立孑然一身飲泣奉祀老且  
病請于州牧王施遺田三石有奇于元妙觀供香  
火氏夫先人名得附勒諸石氏尋卒

蘄州志

卷之十四

列女

六

張世芳妻高氏無子側室嚴氏生子復豫嚴氏與世  
芳相繼亡氏撫復豫恩勤倍至豫雖長莫知其爲  
嚴氏子也時三世同居舅姑委以家政氏出匱田  
爲公產篋無私蓄

張世鈞妻宋氏世鈞知縣承瑞末子疾卒氏女工終  
姑養教子極嚴夜嘗自課有伯姒卒遺三女撫養  
適人悉賴于氏苦節五十七年

吳德懋妻田氏未嫁時德懋喪明復遘惡疾指墮髮  
落肌膚迸裂腥血淋漓不可近翁欲令氏改字時

氏年十六謂必送我至吳家與訣至則執婦道唯  
謹親浣濯無難色凡四年德懋卒立夫姪延令爲  
嗣人猶呼爲田貞女云

陳欲程妻周氏蘄水周咸瞻女年二十適陳生子宏  
齡甫二歲欲程卒家貲雖裕井白桑麻必親職其  
勞以教宏齡後齡克守世業孫政太學生

何序周妻陳氏年二十歸何越二年序周卒遺孤甫  
八月家貧氏勤紡績雖凍餒無怨母氏憐其貧諷  
以改志氏以死誓自是無復言後氏子亦早逝氏

蘄州志

卷之十四

列女

七

與媳勵志撫孫苦節五十六年

宗天子妻駱氏年二十四天子卒遺孤尚在襁褓家  
貧無倚與孀姑同志相依勤紡績孤多病婦侍湯  
藥不離左右者九載姑歿悲泣失明遺柩未葬者  
四氏勤苦經營數十年四喪俱舉人稱共節而有  
幹云

太學生王如曜妻張氏諸生世昇女年十九于歸如  
曜卒氏年二十八事繼姑以孝聞撫子德鈺旣成  
立卒氏與媳張氏同處一室又撫數月孤承汾苦

節三十年

操贊皇妻王氏年二十四撫遺孤博懷孝養孀姑誓不再醮采茶啜粥守節七十一年

吳惟漢妻胡氏惟漢歿姑繼歿甘貧矢志子洪勳又卒撫孫五人以耕讀爲業卒年七十九

張公辰妻胡氏年十八歸張生一子公辰卒時舅姑歿公辰弟公準公除與子金若俱幼皆氏撫之苦節五十年壽七十三卒

張必昇妻徐氏年十六歸張生子二長師魯次朋舉

蘄州志

卷之十四

列女

八

必昇卒氏年二十九歲苦節五十餘年

諸生管一志妻余氏向仲女年二十二歸管生子一甫二年一志卒遺孤月餘教之成立苦節六十五年卒

張杜妻王氏年二十歸張甫四年杜歿生一子淑熹爲諸生早逝撫杜姪蘭山爲嗣苦節五十餘年卒駱恭先妻陳氏年二十四恭先卒家貧甚氏日爲任春夜則燒糠粃以績給兩孤兒學卒年七十二□監生張效愈妻柯氏年二十二歸張效愈卒撫育諸



孤皆成立事舅姑以孝聞三子承祖早亡媳龔氏年二十承姑志守節四十餘年當事以大節重光旌其閭氏八十九歲卒

陳效古妻劉氏舉人劉文起女效古卒時氏年二十八歲無子立嗣子國學生棟氏事舅姑里有孝婦之稱苦節三十一載

熊有韃妻向氏天餘女年二十適熊韃卒氏年二十八家貧乞食養姑姑卒不能具禮族姓給義田穀爲殯殮計撫遺孤伯億亦克成立苦節三十八年

蘄州志

卷之十四

列女

九

張容及妻方氏容及卒氏年二十三一子四歲矢志自守有欲奪之者氏挈其子避于他所謀遂寢苦節四十二年

諸生張標妻閔氏標卒氏年二十八生子二長炳文次燦文氏教育成立爲名諸生長婦早逝氏撫遺孫卒年六十有四

韓嵩綸妻胡氏濟邑諸生綰思女嵩綸卒氏年二十九事姑孝撫二子成立守節三十二年

□又鴻妻石氏年十九又鴻卒撫三月孤至中年子

湏爲嗣家貧祖姑舅姑暨德運皆氏營葬守節四十七年

諸生顧仕綬妻張氏幼沉靜言動皆有法度仕綬以赴試溺死遺孤兆棉甫數齡繞床泣氏顧而牽之曰恃汝在吾爲汝不死苦節三十餘年其婢郝氏早寡與主母同居亦終節

張文齡妻王氏文齡舉人啓疆長子繼父志攻苦成疾卒遺孤超宗又卒氏慘痛倍常事繼姑李以孝聞立文齡姪兆魚爲嗣氏卒兆魚又卒媳朱氏撫

蘄州志

卷之十四

列女

十一

孤基事祖姑及姑克繼其志

胡啓德妻陳氏年十六適啓德生子昌哲甫二周啓德卒事翁姑以孝聞子又卒媳張氏與姑同臥起名終節

諸生張納誨妻王氏誨少穎悟州牧王雅器重之鄉試卒于鄂邸時氏年二十四無子與老姑張氏同臥起立應詔子學說爲嗣

張世翼妻周氏年十九歸張越四載子復良甫二歲世翼卒家貧終無異志守節四十二年

□惟岳妻□氏惟岳卒遺腹生子洪佑氏矢志不再  
適事舅姑撫孤成立足不踰閩者三十四年艱辛  
倍歷

吳惟暹妻蔡氏生子洪嵩甫周歲惟暹卒家無擔石  
二舖不給氏蓬首事女紅以膳翁姑有愉色無怨  
言歷三十餘年族衆咸以孝稱之

胡昌美妻張氏昌美卒殮葬畢氏以女托于昌美弟  
婦自投塘水隣母適出汲號救之立昌美姪宏點  
終節

諸生劉德妻張氏廣濟庠生張錫金女識大義不苟  
言笑年二十歸劉舅姑早逝德幼育于伯父母氏  
事伯姑極誠謹德年二十四卒無子立德姪觀遠  
爲嗣家貧勤紡績以老苦節三十一年

陳掄元妻潘氏生二子年二十二掄元卒苦節四十  
年

童有質妻陳氏諸生道時女年二十歸童生子三有  
質卒氏事舅姑以孝聞教子成立守節三十二年  
李榮九妻張氏生一子榮九卒氏貧矢志伯氏欲嫁

之氏以死自誓州牧張深爲嘉嘆俾成其志年□  
十二卒

李君安妻王氏君安卒氏撫五歲兒備歷勤苦朝夕  
支一鎰以五合米炊薄粥延殘喘蓄餘粟以遺子  
子之茂後考選經歷未仕卒

陳德元妻熊氏歸陳生一子於岱德元卒氏貧甚攻  
紡績以自給歷四十年

王景文妻鄭氏鄭有棣女年十七適王甫二年景文  
卒遺腹生德賁氏撫之成立苦節四十八年

蘄州志

卷之十四

列女

十三

易德易妻胡氏蘄水諸生胡君協女年二十適德易  
二十七德易卒凡生事葬祭以及教子治家一準  
于禮年七十九守節五十二年

王錫三妻黃氏黃選臣女年十九適王越四年錫三  
卒事姑以孝聞子一教之有成壽七十一終

王遂章妻王氏公朗女年十九適王甫四年遂章卒  
撫遺腹子廷秀成立艱苦備嘗歷六十五年

儒童顧燕書妻張氏性嚴正事孀姑甚謹燕書家貧  
父及叔父未葬燕書繼卒三喪並室婦力爲經營

同窆焉撫遺孤及四齡而天立燕書大功姪孫啓  
棠爲嗣姑歿殯葬皆如禮云

生員黃應時妻潘氏修之女年十八適黃篝燈伴讀  
以勗夫子越二年夫卒無嗣苦節五十年

儒童高馥妻吳氏年二十七而寡家貧姑老每自饑  
餒必甘脆飼其姑無晝夜機杼聲軋軋出戶外送  
姑終爲兒娶婦皆取給焉子姪欲援例請旌氏力  
辭

李元焜妻徐氏諸生秉銓第三女于歸後元焜病酒

蘄州志

卷之十四

列女

十四

嗔怒不時氏委曲承順元焜卒氏無子隨母守節  
先是母王氏與氏二姊余永福之妻俱無子母女  
同口氏長姊劉爲之攸助同終節

胡可妻黃氏年二十歸胡二十五可望卒一子尚  
幼有欲強嫁者氏聞自縊遇救獲免人始不敢犯  
守節歷三十二年

駱呈彭妻熊氏年二十適駱閱四載呈彭卒事姑勤  
謹撫子杼毓杼禮皆成立

駱杼幹妻盧氏年十八歸駱甫二載杼幹卒翁姑以

年幼無子勸改嫁氏曰如此不如無生乃爲立後  
年五十一終

王如秩妻顧氏年十八歸如秩二十五歲如秩卒氏  
以紡績自給課子有法皆賴其成就云

王一盛妻陳氏年十六適王二十歲一盛卒痛夫無  
子撫一盛大功弟琴材子爲嗣以苦節終

駱杼時妻丁氏年十九歸駱生子撫兩月杼時卒氏  
苦守無變志守節歷三十三年

吳登闕妻駱氏年十八歸吳七載登闕卒氏矢志奉

蘄州志

卷之十四

列女

十五

姑後姑遭賊難氏冒刃衛之闔鄉稱爲孝婦云

黃載昌妻魯氏年十六適黃二十三載昌卒子式馨  
式瓊祖姑楊年近九十氏勉持家政以孝慈聞守

節三十六年卒

黃載球妻張氏年二十二適黃子式金甫五月載球  
卒氏破鏡以半繫夫棺半存嫁笥凡祭奠時必出  
鏡痛哭其事舅姑家雖貧勤紡績而甘旨不缺苦

節四十七年卒

張正倫妻鄒氏年十七適張甫一載正倫卒氏撫嗣

子文淋如己出守節三十六年

張正茂妻張氏年十八于歸正茂卒子文清幼有欲奪其志者氏以刃自隨事乃寢苦節四十八年

張仕漢妻吳氏年二十適張二十八仕漢卒守節四十四年氏事姑盡禮教子有法子正綱等二世同居皆奉氏教云

黃宗山妻龔氏宗山卒事翁姑撫孤備極艱苦守節三十七年

鄭應昌妻李氏年十九適鄭二十二歲應昌卒撫二

蕪州志

卷之十四

列女

十六

子成立守節四十年

陳道永妻呂氏年二十六道永卒二子繼亡守節四十五年

胡鍾泗妻鄒氏于歸三載鍾泗卒長子奇光兩歲次奇佑未週氏甘貧苦矢志事翁姑得歡容守節三十三年

張仁濟妻宋氏歸張甫三年仁濟卒無子勤紡績以自給積餘貲爲仁濟弟娶妻並置田遺姪守節五十三年

太學生張之城妻董氏諸生文福次女年十六歸張  
生子上賓宗隆之城卒氏年二十二事祖姑閔暨  
舅姑繼姑俱以孝稱

州學生張應燮妻陳氏舉人陳誥女年十九適張甫  
三歲應燮卒撫遺孤履綏備嘗艱苦教之有成今  
年五十六歲

朱萬圻妻張氏萬圻卒氏年二十一歲事翁姑得歡  
心教子仕亳爲諸生

童有康妻李氏崐儒女年二十四有康卒氏撫孤事

蕪州志

卷之十四

列女

十七

姑後姑歿二子隨亡氏勵志愈堅苦節四十三載  
操公遠妻陳氏諸生陳石三女年十九適操五年公  
遠卒氏撫遺孤文象甫三週薪米時缺並日一炊  
備嘗辛苦年七十五卒

汪佑純妻張氏年十九歸汪佑純卒氏撫遺孤正己  
甫三歲事孀姑愛敬曲至姑卒哀毀踰嘗苦節三  
十九年

胡天只妻何氏年二十四天只卒生遺腹子從周周  
稍長汲水墮池氏聞之迫以身救母子俱得全鄉



□□之□□□□□□□□□□□□□□□□

黃永遂妻高氏□□□□□□□□□□□□□□□□

卒撫遺孤享魁于永□□□□□□□□□□□□□□

□

吳永隆妻何氏元芝女年十九歸吳□□載永隆卒

氏孝舅姑和諧娣姒年逾七十□□□□也人以爲

節孝之報云

蔡履中妻何氏年十九適蔡甫六載履中卒生子二

教子成立次子爲諸生今年五十五苦節三十生

蘄州志

卷之十四

列女

十八

吳尚友妻康氏年一十四尚友卒一子方二歲氏□

養倍歷艱苦及長教以義方氏尤重義□親不給

者輒周恤之苦節四十九年

程世珍妻周氏年二十八世珍卒生子二氏矢志苦

守勤紡績以自給苦節五十三年

太學生吳伯桂妻陳氏年二十適吳七載伯桂卒生

一子氏撫養恩義兼至事姑孝侍姑疾不解衣帶

者數月年七十三卒

王道恕妻方氏年二十七道恕卒二子民球民琳俱

幼氏撫養成立事舅姑以孝聞苦節歷六十三年  
陳瑄舜妻駱氏庠生駱龍驤女瑄舜卒氏年二十五  
歲際荒難氏勵節愈堅教子可倣可倬列名巒序  
胡學道妻胡氏道卒氏年二十六歲教子成立家道  
日豐皆氏勤苦之力年七十五終苦節五十年  
陳弘郢妻郭氏年二十六弘郢卒氏教子甚嚴家頗  
豐春杵薪水不假人手夜半猶聞紡績聲苦節三十  
餘年

諸生駱向純妻王氏年十八適駱生子□□未週同

蘄州志

卷之十四

列女

十九

純卒氏苦節撫孤歷四十餘年

湯有衿妻江氏年十九適湯二十□□衿卒氏無子  
立衿兄子照爲嗣事姑盡□尤□□□□

駱其智妻張氏年十七歸□□□□卒事姑以  
孝聞撫遺腹子成立

駱□存妻何氏年十九□駱明年又存卒子光緒助  
□欲奪其志□截髮毀容乃免年七十三卒苦節  
五十二□

駱□先妻□氏年十九適駱子濟□□歲祥先□

卒氏家徒壁立終身無怨年六十八卒守節四十年

黃質先妻孫氏年十九適黃二十六歲質先卒有強氏他適者氏拒之垂死乃免守節四十八年

胡届遠妻張氏年十七適胡逾年生子玉甫三歲届遠卒姑疾氏割股進旋愈守節歷五十二年

王紹唐妻鄧氏唐卒氏年二十三生子一女一事舅姑以孝聞後事繼姑亦如之年五十一卒

王道華妻朱氏二十一歲道華卒撫三月孤宗傑後

蕪州志

卷之十四

列女

二十

宗傑亡事姑終餘年氏尋卒立堂姪孫咸亨嗣

張次珍妻樂氏珍卒氏年二十九撫長子睿次永隆守節三十七年壽六十有六

儒童張燎文妻高氏高立萬女燎文卒氏矢志自守事舅姑孝事繼姑亦如之紡績延師教子培瑛成立守節四十二年今六十五歲

張季朗妻周氏適朗甫四年生子培世季朗卒氏矢志苦守紡績備俸延師教子弱冠爲諸生培世又早亡二孫俱幼氏扶持之守節四十六年

儒童張杰妻田氏州同之璋女年二十一適張七年  
杰卒子二長應秋次應燮氏撫之成立苦節五十  
一年卒

儒童張應秋妻王氏諸生王崇女年二十二歸張甫  
三載生子履道應秋卒苦節三十八年

儒童李芳春妻王氏年十九適李甫二載芳春卒氏  
家貧奉姑白氏撫遺孤同寅年三十九卒

張采繁妻顧氏景星第八子昱之女年十八歸張明  
年采繁卒五閱月生遺腹子有恪時舅姑俱亡氏

蘄州志

卷之十四

列女

二十一

決志撫孤家貧灌園紡紉年饑絕餐無怨

馮容妻李氏諸生有淑女年二十適容甫五載容卒  
容兄弟五先後亡止少弟騫在凡家事皆李氏經  
理撫姪元梁爲嗣苦節三十年

馮烜妻易氏州民容玉女年二十歸馮越四年烜卒  
遺孤僅八月撫以成立兼撫遺孫璵守節三十七  
年

倪明遜妻龔氏年二十六明遜卒生子一江氏斷髮  
誓守撫之成立苦節三十九年

儒童李斗城妻張氏太學生世炬女于歸時舅已歿  
事姑陳氏得歡斗城卒撫二子冰蘖自持姑歿長  
子光鑑將就婚又卒氏與夫弟金城竭力營葬諸  
喪誓死不更適

蔡其述妻龔氏年二十歸蔡閱五年其述亡氏家貧  
紡績養舅姑延師課子苦節五十六年今年八十  
一歲

王搗謙妻董氏蘄水董存愷女年十七歸王甫二載  
搗謙卒氏觸棺以殉繼姑曰吾老矣汝爲亡人死

蘄州志

卷之十四

列女

廿二

節不如爲亡人全孝遂同姑卧起甘旨取給于女  
紅孤苦萬狀歷三十二年

王華封妻沈氏諸生世亨女幼嫻內則通文義年十  
九歸華封華封出繼伯母鄭氏年二十卒鄭氏先  
有遺腹孫承宗尚幼氏體姑志鞠育恩勤如姑意  
無何承宗又卒氏自傷孤子又上慰老姑下憫寡  
媳調獲撫恤心力俱瘁爲夫立嗣子岱太學生爲  
承宗立嗣子瑛各終節

王兆麟妻袁氏太學生開宇長女年十八歸王生子

裴濟洪妻駱氏年十九歸裴生一子洪濟卒氏年二十一一家貧甚忍饑寒養姑撫子年七十一卒

張承書妻鮑氏年二十四承書卒氏撫遺孤翰孝侍孀姑趙適盜入執姑索金氏伏姑身受挺刃盜義而釋之姑患疽氏泣抱舐疽子翰長外出氏偶隱几夢老人呼救兒氏驚尋翰陷池中已滅頂得救免里人以爲貞誠感神也苦節四十四年卒

王炯文妻李氏于歸後生一子一女炯文卒饗殮不繼操守益堅守節三十二年

蘄州志

卷之十四

列女

二十三

梅寧侯妻蔡氏氏年二十四寧侯卒撫遺孤家貧紡績爲生姑病痿以身爲卧起又嘗割股以進苦節五十三年

吳延謙妻陳氏氏年二十二延謙卒姑老家貧無子延謙弟延益僅數齡氏力撫之成名隨立延益子繼良爲嗣延益死姑益衰賴氏以安迄今苦節三十年

陳克勲妻周氏鼎玉女年十八適陳二載克勲卒生遺腹子欲伋養姑以孝聞撫子卒能成立

一女二麟卒氏年二十三歲侍舅姑老疾唯謹及  
歿喪葬盡禮後繼姑劉氏存氏供膳甚豐而氏自  
菲薄人稱其賢子德暹早亡立兆麟姪孫承契爲  
德暹嗣苦節三十六年

張正濂妻張氏諸生杰長女年十九歸張閱九載正  
濂卒氏家貧勤織紵教子讀書卒年五十有六子  
夢禮州庠生

蔡明瑛妻龔氏明瑛卒氏年二十八康熙戊子己丑  
洵饑氏飲荼茹蘖強自支持子二長其達次其迎

蘄州志

卷之十四

列女

二十三

俱成立卒年六十有七

夏帝扶妻孟氏嗣武次女年十八歸夏生子弼周帝  
扶卒氏年三十姑病篤刲股救愈里人以孝聞府  
憲給扁苦節三十一載

沈六州妻章氏太學生尚周長女六州卒時氏年二  
十三歲六州三弟繼亡氏皆經紀喪事孀居三十  
餘年與祖姑孔氏共卧起撫立六州小功弟崑山  
子爲嗣

沈時則妻王氏光義次女年十九適沈甫五年時則

亡家貧勤紡績事姑家漸克製田五畝作祀產族里義之苦節三十五年

畢明玉妻王氏年二十二適畢閱五載明玉卒舅姑蚤逝逢生日忌辰必敬必誠明玉無子撫嗣子毓珍後毓珍夫婦繼亡竟無嗣氏卒年六十有六

汪自淑妻徐氏年二十歸汪三年自淑卒撫遺孤鍾俊刈夏麥秋禾以自給衛守裴廉其實以節操可風表其門

宋昌后妻龔氏煥美長女年二十歸宋夫勤學邁疾

蘄州志

卷之十四

列女

二十四

氏侍湯藥三年未嘗安寢處昌后卒氏撫兩孤成立

裴勝詞妻何氏年二十一勝詞卒氏撫勝詞姪爲嗣教養兼盡苦節五十年

諸生王應榮妻管氏諸生管瑞女年二十歸王六載生一子應榮卒氏家貧養繼姑撫遺孤苦節四十年

張鳳岐妻王氏年二十四鳳岐卒氏家貧養孀姑以孝聞撫子成立采藿藜糜粥自茹苦節四十一年



葉紹芳妻宋氏芳卒時氏年二十六家頗饒不恡施  
與守節四十五年

翁如瑾妻王氏瑾卒氏年二十三家貧無子事姑以  
孝聞姑歿如瑾兄如瑛又卒氏極力殮葬撫如瑾  
姪濬成立歷三十三年

童儕仁妻吳氏年二十適童甫二年儕仁卒氏家貧  
紡績撫孤年六十五卒苦節四十三年

童人虎妻居氏年十九適童甫一載人虎卒家貧翁  
老或勸改適氏投諸江以救得免終身無遺憾云

蘄州志

卷之十四

列女

二十五

湯有禎妻江氏年十九適湯二十一有禎卒氏撫子  
餘早後餘早卒氏與餘早婦王氏共撫孫慶茂守  
節歷三十五年

王宗益妻龔氏舉人啓堂之妹年十八適宗益生長  
子傳次亘俱幼宗益卒氏年二十四歲附居伯兄  
家以終厥志守節三十四年

陳寬妻郭氏適陳八載寬卒氏年二十六誓志撫孤  
俾克成立雖家有餘資猶躬自紡績以供施與

儒童李育生妻張氏年二十二育生卒遺二子長二

駱呈蓮妻蔡氏京倩女年二十二呈蓮卒無嗣立功服姪肇慶爲後敬事姑姑歿殯葬皆盡禮

陳宏潮妻吳氏監生吳衡年女年二十四宏潮卒一子甫週越三載子亡立宏潮姪受檉撫養成立

駱呈竿妻龔氏繼蘭女年十八歸駱八載呈竿卒長子杼黨方二歲次杼羔僅三月時際荒難撫兩藐孤無少變志後二子俱成立

駱杼熟妻貢氏廷彩女年十八歸駱子其臨甫二歲杼熟卒氏撫孤事姑以孝慈聞

蘄州志

卷之十四

列女

二十六

陳宏浚妻王氏舉人王琮女宏浚卒氏年二十八無出立宏浚姪士英爲嗣

陳宏笏妻程氏旋宮女年二十宏笏卒遺子受綸後綸生子顯悠甫四歲綸又卒氏兩世撫孤艱難傳歷苦節五十五年

陳受森妻周氏仁度女適陳二載受森卒苦節無變志立受森姪爲嗣今年五十有三

陳伯臨妻王氏王如江女年二十伯臨卒家貧姑老一子呱呱襁褓中或欲令再適懼見偪引刀自斷

其髮

駱宣韻妻王氏年二十一宣韻卒宣韻病氏割股救病瘥數月旋卒苦節五十六年

駱周正妻張氏年二十二周正卒或以計偁氏嫁氏覺避母家謀遂寢今苦節三十四年子德光克樹立

儒童吳用商妻何氏年二十八而寡初商疾劇氏欲以身代商曰汝有娠八月不爲宗祀計乎旣果生子待聘氏教之成立孫伯樞克振家聲年七五卒

蘄州志

卷之十四

列女

二十七

儒童駱杼元妻湯氏向純女年二十四杼元應試客死無子或議改適氏卽夜投環死救之獲免爲立後以節終

程盛義妻邵氏年二十五盛義卒備歷諸艱不渝厥志治家嚴規矩閭里多以爲法年八十八卒

吳體乾妻陳氏年廿四而寡撫遺孤艱辛百端卒年六十六

董思舜妻高氏年二十而寡饑寒交迫撫孤無二志守節歷三十一年

李由彬妻陳氏可忠女年二十由彬卒姑治家嚴氏  
婉曲得其歡心每篝燈夜績督兩孤兒學後孤瑛  
列太學生珩諸生

胡可塏妻黃氏年十九可塏卒一子宗銳家極貧以  
孝養姑嘗與姑同食以病告蓋饗殮不繼懼姑知  
不忍獨食也苦節歷三十七年

王一德妻方氏庠生方永蒼女年二十而寡子二矢  
志撫孤俱能成立

王一道妻葉氏諸生葉國棟女年二十三一道卒獨

蕪州志

卷之十四

列女

二十八

持門戶撫遺孤烈後烈生子兩月烈復卒伶仃孤  
苦與子婦又撫孤孫

李由行妻陳氏方遠女年二十四由行卒氏矢志自  
守撫由行姪以尊爲嗣

吳希孟妻陳氏庠生陳雲生女年二十五希孟卒無  
子氏矢志養姑姑歿希孟弟永樊方孩抱氏力撫  
之成立八州庠後命次子爲氏嗣今年七十

陳名訓妻王氏年二十四名訓卒事姑教子一以禮  
法年五十九卒

太學生王湘妻王氏年十八湘卒氏抱數月兒與孀  
姑同卧起孝事姑每飯必致敬人稱其孝卒年五  
十二

駱丕承妻尹氏年十九丕承卒氏鞠彌月孤懿美孤  
既成立每夜禱天蘄蚤死從夫地下年五十一卒  
後子□美卒其媳高氏亦以苦節稱

儒童馬世煦妻田氏年二十煦卒氏未生子息乃斷  
髮自誓煦弟生一子弟婦十餘年不復孕氏禱于  
天煦弟復舉子氏因以爲後苦節歷三十年

蘄州志

卷之十四

列女

二十九

程明巍妻陳氏年及笄歸程甫五月明巍卒越六月  
遺腹生子興莊家貧紡績自給有時不舉火人周  
之力却不受守節歷三十有五年

吳陞占妻陳氏陞占病割股和羹以進卒不起時氏  
年二十四初姑染沉疴氏與夫共事湯藥不離衽  
席後氏一身任之者數年今年六十一

胡奇慷妻趙氏奇慷卒翁老且貧氏燒松節作燈勤  
女紅供膳撫二子成立守節三十二年

劉世松妻貢氏世松卒長子次子尋卒撫幼子承裕

紡績自給以節終

胡昌明妻曹氏昌明卒家貧恐有奪志持七首以自防後教二子成立守節三十七年

陳名誌妻張氏年二十六名誌卒初名誌病氏割股調羹以進名誌既卒每忌日輒痛哭以勗其子子長能成立

陳受構妻陳氏克存女歸構年甫二十越明年生子煒又明年構卒氏是年艱難百出姑繼構卒翁繼姑卒氏獨力支持諸艱備歷後煒生子甫六月而

蘄州志

卷之十四

列女

三十

煒又卒媳張氏亦苦守不變人謂一門雙節

儒童李同庚妻趙氏太學生廷忠女年十八適李閱三年同庚卒撫遺腹瑞雲越十六年瑞雲卒氏亦卒

陳時興妻黃氏歸陳一載時興卒遺腹生子撫育成立性方嚴教督不少假惟一老婢相伴年五十四患病子洪詔請醫治氏不可遂卒

方時炯妻張氏于歸二載時炯卒氏事舅姑以孝聞姑病躬侍湯藥經年不懈

駱輝越妻萬氏歸駱時年十八輝越病篤氏露禱求  
救卒不起苦節歷三十五年子如山如水能成立  
陳宏清妻陳氏太學生贊元女于歸後生子受松宏  
清卒氏苦持門戶教子成立里中稱婦德焉  
詹中域妻高氏中域卒無子家貧氏父母恐不能守  
微示其意氏泣曰良人恃吾誓以瞑目安得背之  
自是不徃母家事姑篤孝初立嗣數歲殤復立中  
域姪興恭爲嗣

陳宏子妻周氏宏子異母兄弟六人宏子無同母兄

蘄州志

卷之十四

列女

三十一

弟宏子卒氏以死殉其母泣曰汝有遺腹倘得男  
吾猶有屬也三匝月果舉子受漣

張忠卿妻袁氏忠卿卒生遺腹子瓊氏貧無依惟紡  
績以自給泣哺孤兒每祭必携往墓所悲啼竟日  
後瓊復生子克成家焉

陳宏瑋妻胡氏性方嚴門以內非至親無敢入者教  
子岱以正如嚴父家人咸敬憚之

太學生吳偉妻鄭氏年十八歸吳未生子偉病篤氏  
請先死偉止之曰徒死無益猶子固吾子也偉卒

氏立偉姪道嵩道性爲嗣撫育俱成立後長子道嵩歿遺三孤氏偕婦葉氏撫之辛苦百端

儒童馮元芳妻王氏諸生銳女年及笄適副榜炯長子元芳氏年二十七無子芳卒家貧藉女工以養姑卒年五十一

蔡士昇妻鄭氏年二十六夫亡撫遺孤蘭友及長娶媳生子廉資蘭友夫婦偕逝氏復撫孫成立爲諸生有聲守節五十五年

操來蘓妻詹氏庠生斗望長女年二十適操甫四年

蘄州志

卷之十四

列女

三十二

來蘓卒氏痛夫乏嗣竭奩儀爲舅買妾生子晚依庶叔天秩苦節七十四年

王問俊妻陳氏年十九歸俊爲繼室三年生一女俊卒氏撫俊元配兩遺孤長元次亨愛猶己出勤苦備至不御鉛華守節五十餘年

王元妻張氏年二十五元卒氏觸棺破額遵姑諭強存撫遺孤琨養繼姑糲食粗衣歷六十五年

操能質妻胡氏年二十三能質卒越三月生子暉吉氏矢靡他貞志撫孤及于成立歷四十二年



王亨妻陳氏年二十二亨卒遺孤璉嬰疾氏每抱告夫靈祈代以身毋蘄夫後璉長娶媳生子璉復早喪氏撫孤孫尋卒

何殿賜妻王氏年二十七夫歿撫遺孤開筆養舅姑仰事俯育拮据萬難尋貫產經舅姑喪苦歷四十餘年

方國瑞妻胡氏年二十六夫卒氏強活奉侍孀姑撫侄爲夫嗣勤績給老雅茶薺自充苦節四十四年  
康柱東妻賈氏年二十七夫亡氏斷髮一束置襯中

蘄州志

卷之十四

列女

三十三

誓不膏沐撫孤萬芳紡績佐脯脩豐年拾滯遺爲炊歲浸茹荼苦歷四十三載

陳本堅妻汪氏年二十八夫卒撫遺孤德鈞逾三年  
父母遣言另適氏泣謂兒不願生爲再醮妻有死耳遂謝絕永不歸寧飲蘗茹水苦節垂四十年  
汪佑標妻吳氏年二十六夫卒撫遺孤嵩壽教養及成立養姑年八旬卒舅灝年亦髦以婦代于問視  
曲至盟心苦節歷三十五年

康象儀妻孫氏年二十四夫卒氏孝養舅姑委曲承

順撫孤滿東方在襁抱慈嚴兼盡滿東甫授室尋  
卒撫孫長泰勤苦興家貞操五十餘年族黨以節  
成三美贈之

韓天錫妻張氏年二十三夫歿遺孤大俊甫一歲次  
大任方娠錫亡四月始舉氏甘貧撫之采藜度餒  
敗絮禦寒苦節三十三年卒

陳邱長妻李氏年二十五夫亡孝孀姑撫遺孤未鐵  
爲心歷六十餘年

張敬五妻王氏年二十六夫卒遺孤長先桂次先槐

蕪州志

卷之十四

列女

三十四

氏教子力作奉孀姑膳侍姑疾彌月不解友晨夕  
泣誠兒曹勉其成立苦節五十三年

陳法舜妻舒氏永瞻女年十九歸陳甫六載法舜卒  
氏誓死以守撫子方潤成立茹荼飲藥者六十年  
張咸吉妻高氏幼失怙恃依叔母撫養及長歸張不  
數載咸吉卒氏年二十六無子□咸吉姪懷遠爲  
嗣守節三十七年

童求成妻唐氏年二十五求成卒氏誓撫孤勵冰操  
者五十一年卒□族公呈州牧張給扁獎之

歲次甫三月氏矢志撫孤後長子又卒伶丁孤苦  
撫次子成立守節三十一年

董文趣妻祝氏年二十八夫卒撫兩孤有義方次子  
爲諸生早亡撫孫爲太學生長子媳俱亡孫又亡  
復撫曾孫成立身歷四世壽八十卒

生員董蜚龍妻熊氏年二十歸蜚龍事舅姑能得歡  
心越五年夫卒無出破指出血誓無異志撫嗣子  
成立苦節三十一年

儒童董景表妻管氏年二十一夫卒遺孤尚襁褓事

蘄州志

卷之十四

列女

三十六

孀姑上承太公歡延師課子爲太學生現今五十  
四歲

生員董承龍妻甘氏年二十五夫卒撫四歲遺孤成  
立有聲伯氏夫婦早亡撫姪猶子事孀姑以孝稱  
苦節三十一年

周道齊妻張氏年二十五夫卒甘貧守淡盡瘁撫孤  
苦節三十七年

太學生胡可駟妻龔氏年二十夫卒孝事姑二舖不  
給三十餘年無怨言

周道持妻閻氏年二十一夫卒誓不更適撫孤成立  
苦節三十二年

太學生胡可驥妻汪氏三載夫卒年二十歲無出或  
勸其更適氏引繩欲自經苦節三十一年

太學生陳芳轍妻宋氏年十七歸陳甫一載夫卒四  
閱月生遺腹子氏善事舅姑養葬如禮子大綸國  
學生

儒童王世漢妻李氏諸生大生長女年十二父母俱  
亡哭之哀聞者爲之輟食及長歸世漢世漢穎悟

蘄州志

卷之十四

列女

三十七

善屬文早逝時氏二十二歲無出立世瑛兄世澍  
子裔棠爲子撫如己出事舅姑寢膳間視無間族  
人咸稱之

陳國佐妻華氏年二十四夫卒撫嗣子泰有聲太學  
氏持身持家內外肅然苦節二十九年

儒童張國儒妻胡氏年二十四夫率遺三子幼弱夫  
弟生子數日父母俱亡氏口咀米漿哺之撫子姪  
皆成立苦節五十一年

儒童張人龍妻蔡氏年二十三夫卒生子甫四月撫

育成立娶何氏女爲媳三年子又亡何生遺腹子氏復撫弱媳幼孫勵志三十九年

儒童張永昇妻吳氏年二十三夫卒遺三子小弱其姑胡氏二十五歲而寡氏善事之節操一如其姑三子克家有聲姑卒七十八歲氏現六十一歲

朱仕澤妻何氏年二十四夫卒截髮毀容誓無二志撫孤成立苦節三十七年

陳欲綸妻吳氏年三十二欲綸卒氏苦守無變志子二次雲錦州庠生氏尤孝事姑閭里稱婦德焉

蘄州志

卷之十四

列女

三十八

陳受鈞妻葉氏適陳一載受鈞卒氏苦守無變志歷三十二年

駱萬方妻吳氏善事翁姑姑病割股和羹以進姑愈始覺族里欲以額旌其孝不受萬方卒終身惟誦經茹素現年六十九歲

梅光國妻何氏年十九歸光國其姑某二十七歲而寡曾祖姑陳二十五歲而寡兩寡共撫光國光國卒時氏年二十五生遺腹子共撫之成立姑卒六十五歲陳卒九十三歲氏現五十三歲

梅相宜妻褚氏年二十一夫卒遺一子家無立錫矢志不渝紡績自給母子相依爲命苦節二十六年  
梅遜一妻彭氏年二十五夫病篤割股以救不能起夫亡無子或勸其更適氏毀容矢志家貧紡績以事舅姑苦節四十二年

曹乾一妻劉氏年二十六夫卒氏勵志守節家貧緝纘易粟以養孀姑撫二子成立苦節五十一年  
張觀成妻陳氏年二十五夫卒遺孤甫二歲氏禿髮毀容誓無二志撫孤成立苦節四十七年

蕪州志

卷之十四

列女

三十九

曹鵬翥妻劉氏年二十六夫卒家貧以紡績事繼姑教子慈嚴兼至苦節五十五年

儒童范卿緘妻涂氏庠生世璜之女年十九夫卒撫嗣子如己出夫存日因二兄俱亡以膳母爲己任氏繼之諸姪不欲以養事累孀孀氏不忍改夫志畱養以終姑年現苦節三十二年

太學生童巍妻王氏年十六歸童生二子夫卒教育兩孤長子昌太學生次子膏業儒見鄉里有不給者時出貲周恤之

高子謙妻石氏及笄未嫁子謙得惡疾翁姑諭氏家令他適氏堅志不從年二十歸高侍湯藥三年夫卒或又以家貧無出爲氏語遂截髮矢志從一而終苦節六十年

胡從宏妻汪氏年二十四歲從宏卒痛兩孤無依日夕紡績擇師課讀長世德成立次大德爲諸生苦節三十年

儒童張位北妻蔡氏年二十一夫卒遺孤甫一歲先位北臨危謂氏曰汝有他志俟吾子稍長可耳氏

蘄州志

卷之十四

列女

四十

觸石誓志紡織自給課子勤學苦節三十三年  
儒童王裔梁妻韓氏年十八歸裔梁逾年生子裔梁卒家貧紡績膳姑子甫成人復歿立猶子爲嗣苦節三十二年

諸對揚妻姜氏歲貢壘女對揚卒氏未生子女單姓寒門無嗣可立依孤姪女工度日苦節三十年  
儒童龔繼馨妻曾氏年十九歸龔三載生子甫一週夫卒撫孤慈嚴兼至俾克成立苦節三十四年  
生員高克璉妻鄧氏年二十六夫卒撫孤益繁成名

身歷冰霜三十七年

許正元妻劉氏年十九適許甫七年正元卒氏撫孤成立後子媳繼亡復撫孤孫苦節三十八年

龔繼爵妻蔡氏年二十歸龔越四年生子必賜爵病篤囑以養親撫孤氏諾之夫卒或勸以更適卽以死誓事翁姑孝謹

駱士伸妻華氏公廸女適駱五載士伸卒氏撫遺孤苦守無變志壽八十一終

庠生陳宏錦妻張氏太學生元極女歸陳四載宏錦

蘄州志

卷之十四

列女

四十一

卒撫二子俱成立事舅姑以孝聞苦節三十八年  
陳宏琰妻陳氏晉若次女年二十六宏琰卒氏撫遺孤艱難備歷事繼姑曲體承順克當姑意人稱其孝

盧聚賢妻劉氏聚賢卒時氏年二十五歲家苦貧氏鬻漿粉度日誓不改志苦節四十餘年

王道懋妻程氏年二十四道懋卒二子俱幼氏撫養成立好施與鄰里多周恤

管效妻王氏太學生眷平女年二十二效卒事姑□



復言年六十七卒守節四十一年

范卿繹妻陳氏二十七卿繹病篤無嗣囑氏終母養氏剪髮付卿繹手誓不他適及亡哀毀柴瘠扶病奉姑甚謹立卿繹姪位楹爲嗣姑歿氏經理其喪致哀盡禮守節歷三十三年

郭凝暉妻顧氏景星第七子岿之次女也凝暉家貧得惡疾氏多方左右之無少怨嫌及凝暉卒氏撫遺孤自矢未幾孤殤舅姑相繼歿家計益窘氏與凝暉姊張復禮妻同居守節女工度日相繼而卒

蘄州志

卷之十四

列女

四三

氏苦節三十七年

汪佑煌妻吳氏年二十適汪甫三月佑煌卒姑以無出勸令他適氏欲自盡後遂不復言時佑煌弟佑照僅八齡氏勤紡績教養成立生二子佑照亦早逝氏立其次子養育如同己出與佑照妻駱氏同以苦節稱

田仁麟妻王氏仁麟卒氏無子矢志守節立夫弟仁晟之子禮厚爲嗣

田再萬妻方氏再萬卒翁宗潢老病氏供饘粥十餘

孤子沅及長氏病屏醫人托孤于夫兄蔭夫弟修善教之不藥而卒

王問德妻陳氏年二十歸王甫六載問德卒撫子元鐸勤女紅自給孝養舅姑終其身無遽言慢色守節四十年

陳聖備妻田氏年二十歸陳越五載聖備卒遺孤在襁抱氏絀績給衣食子又卒氏又撫孤孫艱苦倍歷守節三十五年卒

張京蘭妻郭氏年二十一適張越九載京蘭卒氏矢

蕪州志

卷之十四

列女

四十二

志守節歷三十年子三永弼師尚克繩皆成立  
孫朝源妻范氏庠生雲士女年十九適孫越五年朝源卒氏屏絕鉛華勤紡績以義方訓子事舅姑克盡婦道守節三十五年

陳先照妻田氏年十九適陳越七載先照卒氏矢志撫孤教養兼盡家貧嘗鬻環釧爲饗殮貲間不舉火處之泰然守節三十八年

舒桂芳妻胡氏年二十七桂芳卒家貧撫孤誓不二志父憐之欲令他適氏引刀盡禿其髮後遂不敢

年以孝聞

太學生張復說妻方氏諸生兆亨女年二十于歸逾  
年生女夫卒事翁姑及繼姑稱孝撫嗣子有立婿  
胡鴻珍皆成名以節著

陳先偉妻李氏年十七歸陳閱一載夫卒遺腹生子  
志道紡績事姑苦節三十二年

儒童張廷翰妻張氏舉人仕學長孫女早寡矢志閉  
幃不出撫孤學詩學禮族里稱其節

儒童張萃盛妻吳氏太學生璘之女夫卒與伯姒張

蘄州志

卷之十四

列女

四十四

形影相弔勵志完節撫孤學全學美繼家聲

高至俊妻李氏至俊苦讀書弱疾卒氏守節後夢夫  
召之去辭姑張及叔姒田不食而卒

太學生張典五妻陳氏夫卒氏事祖姑盧得歡心撫  
夫姪宗麟爲嗣稱苦節

太學生張灼繼妻王氏夫卒事姑撫子培祖稱孝慈  
駱杼坤妻許氏夫卒氏年二十一甘貧守節歷三十  
二年

王伊佐妻方氏夫卒氏事姑甘旨無缺苦節三十四

年以孝聞

龔永儀妻姚氏儀卒時氏年二十二無子立永儀姪  
天勝爲嗣守節三十一年

姚世儲妻陳氏年十七適姚甫八載世儲卒生一子  
撫之成立

張世迎妻王氏年二十夫歿子岱雲甫六月氏矢志  
撫孤後岱雲卒乏嗣氏同媳田氏日不再食安厝  
舅姑暨夫喪氏年七十七卒立房姪大勇爲嗣監  
生田仁浩生員田仁漸捐金代繼嗣娶妻以續張

蘄州志

卷之十四

列女

四十五

祀

彭應蕃妻唐氏歸彭後生子甫六月而應蕃病氏刲  
股救卒不起舅姑在堂氏奉老撫幼無少懈家貧  
勤女紅以日食之餘推食隣里蓋不獨以節見云  
姜從龍妻宋氏年十八歸姜二十二從龍卒乏嗣其  
弟從虎幼氏撫之冀其成立生子立以爲嗣後從  
虎亦早逝妻彭氏剪髮自誓與氏同守勤紡績朝  
夕奉舅姑惟謹宋氏現守節三十一年

葉謙妻高氏處士益誌女幼嫺內則通文藝十七適

葉閱三載謙卒遺孤永遠甫二歲氏撫其成立教以義方事老姑尤盡婦道族里稱節孝云歷節踰三十年

葉燦暘妻韓氏燦暘卒氏年二十二侍節姑張矢從一志已無子立夫姪芬爲子自襁褓愛若親生芬長以夫遺書籍授讀常涕泣告誡之歷三十年孤苦異常孝慈並著

諸生劉袞妻許氏十六于歸越十載袞卒生子二志元諸生氏事姑至孝□□無不如意氏年八十五

蘄州志

卷之十四

列女

四十六

歲卒苦節五十九年

太學生李應詔之次妻王氏年十九適詔生子自道夫卒氏事舅姑以孝養生送死悉合禮法撫遺孤成立艱苦備至守節歷四十六年

李宗岱之妻王氏振遠女年二十適李甫三載宗岱卒家故貧氏誓以死守勤紡績奉舅姑教子光祖入郡庠苦節歷五十餘年

吳旦昇之妻胡氏年二十適吳逾年旦昇卒氏事姑教子遵夫遺訓貧不少懈苦節六十二年

賈克典妻馬氏善長女十九歲于歸二十一歲生子  
祚昌甫三日夫卒矢志事舅姑撫孤以農桑度日  
雖午炊不繼不貸于隣守節五十七年

諸生王濂妻管氏年二十七濂卒絕粒數日忍死自  
守遵舅命立嗣苦節三十年

詹周彝妻田氏年二十歸詹二十八歲夫卒氏撫遺  
孤占晷奉姑始終不懈晷入國學僅一女又卒媳  
胡氏相依爲命以苦節聞

程代通妻胡氏年十八于歸八年夫卒長子崑次崙

蘄州志

卷之十四

列女

四十七

家貧甚十指供姑膳苦節三十六年

張有昭妻鄭氏青年早寡足不踰閭撫嗣子其鉞以  
苦節聞

張士恭妻盧氏叅政紘曾姪孫女家貧守節歷四十  
五年七十七歲卒子成棟成桂成林

張成本妻張氏夫卒撫四子曦歷曠暗成立苦節至  
八十八歲

陳可依妻周氏早寡生遺腹子欲健克自成立致家  
豐裕苦節四十餘年